



Broj: 05/01-04-53807-58/23
Sarajevo, 27.03.2024. godine

Skupština Kantona Sarajevo
n/r Predsjedavajući Skupštine Kantona Sarajevo

Predmet: Odgovor na zastupničku inicijativu zastupnice Elze Gaković, dostavlja se, -
Veza: Vaš akt broj: 01-04-53807-10/23 od 29.12.2023. godine

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo je 11.01.2024. godine na nadležno postupanje zaprimilo Vaš akt broj: 01-04-53807-10/23 sa prilogom zastupničke inicijative zastupnice Elze Gaković.

Zastupnica Elza Gaković je u skladu sa članovima 213. stav (1) Poslovnika Skupštine Kantona Sarajevo ("Službene novine Kantona Sarajevo", broj: 41/12 Drugi Novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 Ispravka), na 13. radnoj sjednici Skupštine Kantona Sarajevo održanoj 29.12.2023. godine, u okviru tačke Dnevnog reda "Poslanička / zastupnička pitanja, inicijative i odgovori" uputila zastupničku inicijativu, koja glasi:

Obzirom na nepostojanje kanalizacionog sistema (oborinska i fekalne distributivne mreže) u naseljima Dobroševići. Reljevo, Zabrdе a prema Regulacionom planu ovih mjesnih zajednica jedno od ponuđenih ekološki i ekonomski prihvatljivih rješenja je rješenje prečištača Priboj. Iniciram izradu Glavnog projekta kanalizacionog sistema prema idejnom rješenju prečištača Priboj za mjesne zajednice Dobroševići. Reljevo i Zabrdе.

Odgovor

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo se u vezi ove zastupničke inicijative, za izjašnjenje obratilo KJKP "Vodovod i kanalizacija" d.o.o. Sarajevo, aktom broj: 05/01-04-53807-10/23 od 16.02.2024.godine. KJKP "Vodovod i kanalizacija" d.o.o. Sarajevo se očitovalo aktom broj: 2338/24 od 15.03.2024.godine, gdje navode kako je u maju 2019.godine na zahtjev Zavoda za planiranje razvoja Kantona Sarajevo urađena Studija odvodnje otpadnih i oborinskih voda na području Kantona Sarajevo, za potrebe izrade Urbanističkog plana urbanog područja Sarajevo, gdje su razmatrane tri varijante za odvodnju otpadnih voda naselja Dobroševići, Zabrdе, Reljevo i Rječica, a u zavisnosti od lokacije postrojenja za tretman otpadnih voda. Varijantom 1 otpadne vode gravitiraju prema UPOV Ravne, varijantom 2 prema UPOV Reljevo polje, dok varijantom 3 gravitiraju prema UPOV Priboj.



Dakle, na UPOV Priboj dovodile bi se otpadne vode naselja Dobroševići, Zabrđe, Reljevo i Rječica. Postojenje je planirano za biološko opterećenje od 44016 ES (ekvivalentnih stanovnika), a njegova izgradnja zahtjeva površinu od 3.51 ha. Prije izrade Glavnog projekta za naselja, postrojenje treba biti dio zasebne projektne dokumentacije, sa svim potrebnim proračunima, nacrtima i drugim elementima u svrhu tačnog definisanja kapaciteta i površine postojenja, tehnologije i stepena pročišćavanja otpadnih voda.

Također, KJKP "Vodovod i kanalizacija" d.o.o. Sarajevo obavještava da je u maju 2021. godine Zavod za planiranje Kantona Sarajevo izradio Regulacioni plan „Zabrđe“, kojim se stavlja van snage raniji Regulacioni plan „Zabrđe“ iz septembra 2005. godine, a u okviru kojeg su implementirane varijante predložene Studijom. Regulacioni plan tretira odvodnju otpadnih voda naselja Zabrđe, te se shodno najprihvatljivijoj varijanti prema planu (Varijanta 3) može izraditi Glavni projekat odvodnje otpadnih voda predmetnog naselja i isti bi obuhvatao sljedeće:

- Izgradnja primarnih kanalizacionih kolektora prečnika DN 300, DN 400, i DN 800 mm u dužinama cca 120 m, 626 m i 1108 m respektivno;
- Izgradnja sekundarnih kanalizacionih kolektora prečnika DN 300, DN 500 i DN 800 mm u dužinama od cca 15900 m, cca 250 mm i cca 3300 m respektivno.

Planirano je da se oborinske vode iz kanala upuštaju u regulisane vodotoke: rijeke Lepenica i Bosna, čiji su ispusti provjereni i isti zadovoljavaju.

KJKP "Vodovod i kanalizacija" d.o.o. Sarajevo je naglasio da je izrada projektne dokumentacije UPOV Priboj prvi korak u rješavanju odvođenja otpadnih voda kako naselja Zabrđe, tako i ostalih.

Kada je riječ o rješavanju odvodnje otpadnih voda naselja Dobroševići i Reljevo, potrebno je prevashodno donijeti i usvojiti provedbeno – plansku dokumentaciju za ove obuhvate, urađenu u skladu sa ranije pomenutom Studijom. Nakon stupanja na snagu provedbeno – planske dokumentacije moći će se pristupiti izradi Glavnih projekata.

S poštovanjem,



Prilozi: navedeni.

Dostaviti:

1. Naslovu,
2. Predsjedavajućem Skupštine Kantona Sarajevo,
3. Stručnoj službi Vlade Kantona Sarajevo,
4. Služba za skupštinske poslove + CD,
5. Evidencija,
6. Arhiva.

